
FRATRIS DI
 DACI DE ARZE CONVEN
 tus Murciae Guardiani oratio ad Pa-
 tres in comitijsa Generalibus Seraphi
 cae religionis B.P.N.Francisci Valliso-
 leti cōgregatos, qua & religiosae disci-
 plinae integritas, & optima mi-
 nistri Generalis electio sua
 detur. Anno. 1593,

A D
 ILLVSTRISSIMVM ET
 REVERENDISSIMVM DOMI-
 NV M SANCTIV M DE ABI
 LA EPISCOPVM CHARTAGI-
 NIENSEM.

FRATRES

PACT DE ALNE CONVEN

re Muree Gualtero anno 12

transactio in 1270

re Muree Gualtero anno 12

transactio in 1270

transactio in 1270

transactio in 1270

transactio in 1270

A D

ALVSTRISIVM ET

EVANGELISIVM DOM

WINE & WINE

LA SINGULUM CHAT

WINE & WINE

2
402
ILLVSTSSIMO

ET RE VERENDISSIMO

D. Sancti de Abila Episcopo Char-
taginienſi F. Didacus de Arze
conuentus Murciae Guar-
dianus. S.



FFERO tibi munus Praesul Il-
lustrissime, si aut ex se, aut ex sua
dignitate spectetur, perexiguum:
si ex viribus meis, mediocre: si ex
animo magnum. Oratio est, quam
habui ad conuentum generalem
Patrum mei ordinis: quæ cū de re-
ligiosa disciplina agat, & a me ha-
bita sit, tibi religionum omnium obseruantissimo,
meique amantissimo iure debebatur, cui me
& omnia mea iam diu cōsecraui, vale, &
me amare perge. Vallisoleti
Kalen. Iunij.

1593.

ILLVSTRISSIMO

LETT. VERT. DISSIMO

IN PARLAMENTO DI NAPOLI

TRATTATO DI PACE

CONTRATTATO DI PACE

DI PACE

ALLO STESSO

IN PACE

IN PACE

IN PACE

IN PACE

IN PACE

FRATRIS DIDACI DE ARZE CONVENTVS MVR

ciæ Guardiani oratio ad Patres in comitijs generalibus Seraphicæ religionis B.P.N. Francisci Vallisoleti cōgregatos, qua & religiosę disciplinæ integritas, & optima ministri Generalis electio suadetur.

Anno. 1593.



QUOD PRECATVS ALI-
quando sum à Deo parente salutis
nostræ, vt eā mihi occasionē offer-
ret, qua in publico totius meæ reli-
gionis theatro de recuperanda amif-
sa illa veteri viuendi forma, qua vsi
sunt Patres nōstri, agere possem, id
mihi primū diuino beneficio, dein
de iussu Reuerendissimi Patris nos-
tri Generalis Francisci à Tholosa tri-
butum ac donatum esse, maxime læ-

tor (Patres grauissimi) sed cum diligenter animaduerto, quibus de-
rebus, & apud quos hodie mihi dicendum sit, vereor, ne illā repre-
hensionem incurram, quam Phormionem præclarissimum Philo-
sophū subijsse veterū historiæ referūt. Cū enim Annibal, qui to-
ties cū Romanis victor bellū gessit, commutata subito fortuna,
Athenas profugus ad Antiochū peruenisset, ibiq; in scholas visē-
di gratia à ciuib; perductus, Phormionem quēdam senē, & Phi-
losophorum eius ætatis facile principē de re militari (vt experien-
tissimo duci gratificaretur) aliquothoras disputantem audiuisset,
finita oratione, mirantibus cæteris in Philosopho sene tām pe-
reerinæ disciplinæ facultatem, & ab Annibale, quid ei videretur
sciscitantibus, respōdisse fertur, multos se deliros senes sepe vidif-

Cice. libro.
de perfecto
ora. Plutar-
chus invita
Anniba.

se, sed qui magis, quam Phormio, deliraret, vidisse neminem. Nec iniuria plane. Quid enim aut arrogatius, aut loquacius fieri potuit, quam Annibali, qui tot annos de imperio cū populo Romano omnium gentium victore certasset, Græcum hominem, qui nunquā hostem, nunquam castra vidisset, nunquam denique minimā partē vilius publici muneris attigisset, de re militari (quæ & exercitatione magis, quam solerti meditatione comparatur) præcepta dare? Quam ego historiā ideo, Patres amplissimi, in huius orationis exordio retuli, ut significarem, idem mihi nunc accidere posse, quod illi quondam contigit Phormioni. Si enim ille merito ab Annibale dānatus, ac veluti iniuncta cerula notatus est, quod in tantis ducis conspectu de disciplina militari (quam ipse nunquam expertus fuerat) verba facere voluisset, an non ego pariter cum illo eodem crimine damnaripossem? qui cum Prælatorum functiones & officia fere nunquam attigerim, coram tot tamen amplissimis religionis meæ ducibus de reformandis moribus, elligendoq; optimo Generali ministro agere præsumam. Verum tamē ego in ea semper fui sententia, ut existimarem Prælatos summe etiā doctos ac literatos & quo animo ferre debere, ab alijs quantumvis medio cris eruditionis, (cū sæpe sit holitor valde oportuna loquutus) de rebus grauioribus admoneri. Nam quid aliud quæso sibi voluit Apostolus Paulus præcipiens ac iubēs Episcopū esse *διδασκαλόν*, quam ipsum non modo doctorem esse, sed etiam, ut vocem Græcā interpretatur Hieronymus, docilem, vel docibilem, id est, nō studio præsumtionis contumacem. Docibilis enim, ut Pauli locū interpretatur Cyprianus, ille est, qui ad discendi patientiam est lenis ac mittis: quia & ille melius docet, qui quotidie crescit & proficit discendo meliora. Sic Augustinus in laudem Prælati, quem designat Apostolus, ponit, non tam doctum esse quam docibilem id est, ut nō solū scienter doceat, sed etiam, ut patienter discat. Nō itaq; vos viros omni bonarū literarū genere exornatissimos, clarissimāq; ordinis nostri lumina docere intēdo (Quid hoc esset aliud, quam ut sus Mineruam?) sed vos vestri officij, pro munere mihi iniuncto, admonere, & ad erigendam humi prostratam, & ad medendam afflictam, multisque vulneribus deformatam religionem nostram permouere & excitare. Id quod omni timore expulso, fugatoque libētissime aggredior, cum frequens hic vester conspectus, hæc omnium alacritas vultu, oculis, voce significata meū animū mirandum in modum recreet, & in spem obtinendi id quod

1. ad Timo.

3.

Epistola ad

Heliodorū

Epist. ad Pō

peium. 74.

lib. 4. de ba

pismo con

tra Donati

8 as cap. 5.

ad Heliodorū

ad Heliodorū

ad Heliodorū

ad Heliodorū

ad Heliodorū

ad Heliodorū

ad Heliodorū

ad Heliodorū

ad Heliodorū

ad Heliodorū

quod persuadere nitor, erigat. Veruntamen ut cœlestis fabor imbecillitati nostrę, quod spero, præsidio futurus sit, diuino impetrato numine rem exordiamur.

Patris amor, natique Deus, pacemque per orbem

Qui fundis placidam, Spiritus alme veni.

Spiritus alme veni, nostręque illabere menti,

Atque imis bonus ô sensibus insideas.

Sed quo me vertam Patres? unde lamentandi initium sumam? diuini illius vatis Hieremię miserum suę reipublicę statum, ac typice nostrorum omnium scelera deplorantis verbis utar. *Quomodo obscuratum est aurum?* Vbi est ille charitatis splendor, castimonię nitor, deuotionis candor, & omnis virtutis ornatus, qui in primitiue religionis nostrę facie rutilabat? Vbi in iuuenibus ille pœnitentię rigor, quo se in hostiam viuentem, Deoque placentem offerrebant? Vbi in eorum magistris vera religiöse educationis doctrina, vera que consilia? vbi in contionatoribus animarum zelus verbo & exemplo significatus? vbi in senibus maturitas & grauitas omnium que affectuum moderatio illa venerabili ætate digna? vbi in Prælati vigilantia, & erga oues sibi traditas indefessa cura, ac pastoralis caritas? vbi in laicis deuotionis ardor, orationis studium, humilitatis exempla? Heu, heu, Patres *mutatus est ordinis nostri, color optimus*, & ut verbum ex verbo reddam, *mutauit se aurum optimum*.

Quia hæc rerum perturbatio morumque corruptela non aliorum vitio, sed proprio nostro malo ordinem nostrum labefactat, funditusque euertit. *Lapides Sanctuarij*, viri claustris religiosi inclusi Deo que dicati, quos antea religionis cortina celabat, negotijs secularibus impliciti *in capite omnium platearum*. Quocumque catiis, plena sunt omnia Franciscanis fratribus, & qui cœlesti curię olim assidue erant, Principum hodie palatia & curias implent. Quos non tam *dispersos*, quam, (ut Septuaginta interpretum verbis utar) *effusos*, dicam, cum, ut, interpretatur Olympidorus, fluidi facti sint singuli in conuersationis proposito, quod arripuerant. *Filij Sion*, Prælati religionis, quodã vitę sanctitate & morum honestate *incliti, auro* sapientię *primo amicti*, & ut Septuaginta dixerunt, *elevati in auro*, id est quacunque re preciosa *reputati sunt in vasa testea*? Ex eo, inquit Olympidorus, quod in præstantioris vitę proposito non permanerunt: Quomodo, cum alijs euangelicę paupertatis exempla præbere debeant ad terrena lucra, ad xenia & dona auide oculos flectunt, cõ-

Bene Arias Mōta. in cuiusdam Prophetę præfatione.

Hieremię Threm. 4. ca. paraphrasitioris magna ex parte explicatur.

Sic habet Pagnini titulus. Nota editio sic auri boni masammutata: in eum dem sensum Arias in literatissima illa sua ad ditione ad Pagnini translatione mutabitur massa auri bona.

70. Trāsila: Olympio. in cathena Græcorum Threnos.

Habach. 2. gregatēs auaritiā malam, zelis suis, vt sit in excelsō nidus eorū?
 vere illi sunt *opus manuum figuli*, quia non iam ad eorum præfectu-
 ram spiritus almi numen inuocatur, sed seculi principes exorātur,
 quorum interuentu Prælatorum munere, ac dignitate decorātur.
 Quo fit, vt, cum horum principum, horum inquam, figulorū sint
 opus, eorum non possint non obedire mandatis, & huius rei cau-
 sa religionis statuta peruertere, sanctioresque corrumpere. Hac,
 grauissimi Patres, Prælatorū non solam nostrā, sed omnium fere
 religionum socordia, ac negligentia factum est ingenti cū totius
 Ecclesiæ detrimento, vt *lamia*: & iuxta Septuaginta editionem, *dra-*
cones: & vt vertit Symmachus, *Sirenes*, id est, hæretici, qui horum
 monstrorum nominibus merito significantur, cum instar Libica
 ruin quarundam ferarum, quæ vultu mulieris sunt, elegantique
 forma prædite, earumque infima pars in anguem desinit, quas La-
 mias Dion Chrysostomus appellat, ipsi primo aspectu pulcritudi-
 ne doctrinæ præferat, & eorum nouissima ducant ad infernum,
 & instar Draconū, quod adnotauit Origines, infixo per morsum
 doctrinæ veneno miseros ac perditos homines interimant, necnō
 instar Sirenum incautos nautas Ecclesiæ mare præternauigantes
 patulaque aure transeuntes mortiferis cantibus, id est, vaniloquen-
 tiæ amœnitate, mellitaque suauitate pelliceant, pellectos sopiant,
 sopitos demergant, vt postea demersos deuorent. Huiusmodi ita-
 que monstra *nudauerint mammās*, id est, vt interpretatur Olympiodo-
 rus venenata dogmata hereticis sensibus infecta, & *lactauerint ca-*
tulos suos. His prodigiosis feris plena sunt omnia. Plena Anglia
 que immani ac truculentæ Lamia Elisabethæ paret: plena Germa-
 nia, quam foetidus ille Draco Lutherus fetido lacte pascit, & depas-
 cit: plena Gallia, quæ cū olim monstribus vsque ad Hieronymi tem-
 pora caruerit, nunc Caluini, Becæ, aliarumque sirenum cantibus,
 ita est dementata, prodigijsque referta, vt in Africam penitus con-
 uersa videatur, singulis diebus noui aliquid parturiens. Quid dicā
 Patres? quem inuocabo? *Filia populi mei crudelis, quasi struthio in deser-*
to. Nā iuuenum, qui diuino numine afflati, cælestique impulsu
 excitati mundum, & quæ sunt mundi relinquētes instituti nostri
 tyrocinio initiari cupiunt, Prælati & eorum magistri nullam curā
 habent, & illis lac doctrinæ, quo eorum infantia ali possit, non
 præbent, muneris honorem ambientes, onus recusantes, & quos
 tanquam carissimos filios diligere deberent, misere rerum spi-
 ritualium siti enecatos relinquūt, merito se struthionibus in deser-
 to asimi

70. interpr.
 & Symachi
 transla.

De lamijs
 multaluni?
 adagio, la-
 miæ turres
 Dion Chri-
 in quadam
 oratione.
 Orig. in hu-
 ius loci ho-
 me.
 De sirenib?
 Fulgentius
 2. libr. My-
 tholog.
 Olymp. su-
 perio. loco.

Hieron. cō-
 tra vigilan-
 tium.

Iob. 35.
70. editio.
Origenes.
Esaia. 3.

Esaia. 1. 4.
Esaia. 33.

D. Berna. in
quadā epis.
D. Aug. l. de
pastorib. c.
8. de Theo.
Egesipus ap-
ud Euse-
bium lib. 4.
histo. ca. 22
de Simō Ma-
goactorū, 8
de Val. Ter-
tul. in li. cō.
Valentinia-
nos
de Mar. epi-
pha. Hæresi
42
de Mont. li.
3. de fabulis
hereticis.
de Nonatia.
Euseb. lib. 2
capitul. 33.
de Sabelli-
xo Eforph.
hæresi. 17.

to asimilantes, qui nimia crudelitate, etiam pignorum suorū defec-
tores sunt. Durātur enim (teste Iob) ad filios, quasi non sint. Hos
Septuaginta interpretes iure optimo non filios, sed *filias populi mei*
appellarunt, quia (vt Origenes interpretatur) ita mascula virtute
ac moribus destituuntur, vt prorsus effeminati sint redditi, iuxta
illam Domini comminationem, & effeminati dominabūtur eis:
Sed nec sacerdotū nostratium facies speciosior est: *cū didiores olim*
Nazarēi eius nīne, nitidiores Iude, rubicundiores ebore antiquo, sapphyro
pulchriores: & nunc *denigrata est facies eorum super carbones:* nā sunt *ag-*
niti in plateis. Quomodo. n. inter alios dignoscantur, qui nec mori-
būs, nec vita, nec eloquio a reliquis depopulo differūt? Sicut popu-
lus hodie, sic & Franciscanus sacerdos. Vbi est Patres illa sacerdotū
antiqua grauitas, spectabilis honestas, sctimoniæ cādor, virtutis
nitor, deuotionis ferbor, vbi sapiēs, vbi scriba? Vbi doctor paru-
lorū: *verē egressus est a filia Sio omnis decor eius, ac princeps religionū fa-*
cta est sub tributo? O tēpora? O mores? O Rēpublicam Franciscanā
perturbatam? Sed inter omnia mala, quæ religionem nostram ita
fœdant, nullum peius ac pestilentius ambitione, quæ merito ra-
dix iniquitatis, subtile malum, secretum virus, pestis occulta, doli
artifex, pater hypocrisis, liboris parens, vitiorum origo, criminis
fons, virtutum ærugo, tinea sanctitatis, excœcatrix cordium appe-
llatur a D. Bernardo. Quæ damna in Ecclesiā Catholicā hæc lu-
es nō inexit? Superbia vitiorum omnium mater, vt scribit Augu-
stinus, omnes generat hæreticos pestilentissimos Ecclesiæ pertur-
batores. Theobutes hæreticorū omnium, primus, quia repulsam
meruit Episcopatus, cœpit perturbare omnia. Simon Magus, quē
constat episcopalem dignitatem ambuisse, pecuniaque data eme-
re voluisse, vbi expulsus fuit, nouam hæresim excogitauit, vt qui
in Ecclesia non poterat, saltem extra eam principatū gereret. Spe-
rauerat Episcopatum Valentinianus, quia & ingenio poterat &
eloquio, sed alium ex Martirij prærogatiua loci potitum indig-
natus de Ecclesiæ autenticę regula abruptit. Marcion emulatione
elatus, vbi non accepit præfidentiam, fissuram fecit, sibi ipsi hære-
sim erigens, ac dicens: Ego findam Ecclesiam vestram, & mittā
fissuram in ipsam in æternum. Montanus primum locū obtinen-
di cupiditate motus se ipsum Paraclētum vocauit. Nouatianus e-
piscopatus cupidine, quam intra se latenter gerebat, accensus, no-
uitatibus repleuit Ecclesiam. Sabellius ad maiorem fastum ac de-
mentiam delatus, se ipsum dixit Moysen, & fratrem suum Aaro-

† nem.

De Ario
Theo. lib. 4
de fab. hær.
de Nestor.
Theo. li. 4.
de fab. hære
tice Vuic.
Vuald. lib.
2. doctri. c.
bo.
Ioelis. 1.

nem. Arius magnum Alexandrum in Pontificali cathedra seden-
tem videns ambitionis ignibus æstuans, inuidiæque stimulo per-
citus, cum aduersus eum pugnae comitendæ materiam quære-
ret, occasionem inuenit dogmatū impietatem. Nestorius occupā
do fauorem populi fusca veste, simulato palore, cōpositis verbis
magnam ætatis partem egit, donec, tandem ad Episcopatum per-
uenit. Ioannes Vuicles quia Episcopus esse non potuit, hæresiar-
chia factus est. Hic iam se veluti ruptis obstaculis, torrentis instar,
effundit iustus dolor. Tam late grassatur, Patres grauissimi, hic
ambitionis ignis, vt ab illo speciosa quoque deserti, religiōes, in
quam, omnes combustas magno nostro malo videamus. Sed alij
sua, nos nostra depleamus. Dolemus, pacem inter nos ruptam,
vnitatem scissam: rupit scilicet ambitio. Dolemus, senibus, ac Pa-
tribus honorē ereptum: eripuit ambitio. Dolemus, iuuenes cum
primum sacris ordinibus initiantur omni deposita religiosa vere-
cundia cristas erigere, omniaque perturbare, vt erigant, vt pertur-
bent: efficit ambitio. Dolemus, antiquas consuetudines abolitas,
cæremonias eliminatas, Patrum nostrorum exempla oblitterata,
religiosas sanctiones scissas, monasteria prophanata, claustra secu-
laribus repleta, & omnia, quæ veterem viuendi formā referebant
penitus perturbata: aboleuit, eliminauit, oblitterauit, scidit, propha-
nauit, repleuit, perturbauit ambitio. Dolemus, intestina desidia,
ac veluti ciuilia bella inter nos suscitata, suscitauit ambitio. Dole-
mus, infima summis paria facta, miscuit ambitio. Desideramus ali-
quos, qui Seraphicos illos Frāciscos, Antonios, Bernardinos, Ludo-
uicos, Bonasuēturas suis moribus exprimāt: hos quoq; nobis eri-
pit ambitio. Autoritas Frāciscani ordinis afflicta est, afflixit ambi-
tio. Eius decor immutatus est: immutauit quoq; & ambitio. Quis
inquam, non cum pijsimo sene Polycarpo exclamabit, volens no-
lensque dicet, ad quæ nos, Domine Iesu, reseruasti tempora. Ho-
rum morum corruptela Patres grauissimi, factum esse existimo,
vt Theologi Aquilonares, hæretici, inquam, qui nostris his mise-
ris temporibus matrem Ecclesiam oppugnant impijs scomatibus,
ac dentatis apologijs religiosos omnes proscindant, appellans il-
los Lutherus homines Idolo Moloch corpora sua concremātes:
Caluinus Sophistas cucullatos, Philippus Melanthō Hypecritas
simulatos, Magdeburgenses Centuriatores hominum monstra,
& alijs portentosis appellationibus, quas horrescit animus refe-
rens, illos nūcupantes. Vereor Patres, quod vix absque lacrymis
dicere

Similiū asse-
ctum quā
plurima ex-
empla col-
ligit Espen-
ceus in fine
libelli dissi-
mi. & ada-
giorum.
Hæc hære-
ticorū im-
pia dictaco
ligit Beilar-
mi. præfa-
tione in lib.
de mona-
chis.

dicere possum, ne propter nos V. Patris nostri Francisci nomen blasphemetur inter gentes, vereor, nequem admodum sanctus Patriarcha Iacob grauiter querebatur, quod filij crudelitate sua, inuisum se Chananeis reddidissent: ita modo Seraph. ille diuinus, merito de nobis cōqueri possit, quod nostra viuendi effrænata licentia fastidiosum eum, ac molestum hominibus fecerimus: vereor, ne sicut Diogenes ille Cynicus, cuidam sibi placenti, quod leonis exuuiō testus incederet, dixit, non tu desines virtutis stragula pudescere? in decorū esse sentiens, quod homo mollis Herculis amictum sibi vendicaret: idem nobis dicatur, nec Franciscani instituti habitu sanctimoniam profiteamur, vita non respondeat. Quis nostrum miserabilem religionis nostræ metamorphosim mēte reuoluens lachrymas continere poterit: quis animo consistere: cum fortissimus dux, Iudas Machabæus, vastatis scilicet, & dirutis rebus omnibus Hierosolymis, templi cultum euersum, altare violatū, ianuas exustas, & omnia perculsa, ac prostrata aspexisset, cisis vestimentis, capite cineribus asperso, suspirijs, gemitu, luctuosissimisq; vocibus, incredibilem vim lachrymarum in tantis augustissimi templi ruinis profudit: & nos videntes, religionis nostræ faciem deformatam, nec plane à colachrymabili illo templi Hierosolymitani aspectu dissimilem siccis oculis præteribim? Celebratur militis Atheniensis Cynegiri sub Milciade virtus, qui victis Persis, fugatisque post multam cædem ad naues hostibus, dextra manu onustam eorum nauem tenuit, eaque amputata, cum sinistra eandem comprehendisset, hac quoq; abscisa, morso, ac dentibus tantisper retinuit, donec truncato capite, ciuibz amoris in patriam sui, hostibus virtutis inuictique animi incredibile argumentum cum stupore dedit: & nos in totius ordinis nostræ causa, qua nihil melius nobis esse potest, ociosi manebimus, & pro quo stabiliendo, tam illustres triumphos duxerunt Patres nostri, pro eodem propagando, conseruando ac tuendo non laborabimus: non crura, nō brachia non pectus, ac caput offeremus? Vbi melius sanguis spargi potest. vbi melius vita deponi. vbi verior ac solidior gloria comparari. Oro vos Patres grauissimi, obsecro, obtestor per illam in nos indulgentiam Dei singularem, tam multis beneficijs declaratam, per vulnera Christi salutaria, per sanctissimum sanguinem, quo nostræ sordes eluuntur, vt vos vestri ordinis miseratio teneat, & postquā huc nullis intinerum laboribus fracti conuenistis, si patrem vuestrum Franciscum, vt debetis, diligitis, si

Genesi. 34.

Lactius in
eius vota.

1. Macab. 4.

Iusti. histo.
lib. 3.indū
crdo

De varijs ri-
tibus eligē-
di reges ac
magistra-
tus aliqua
Herodorus
lib. 1. multa
Alexan. ab
Alexan. li.
4. cap. 23. &
Tiraquelus
in eius loci
scholijs.
Ps. 104. hos
annos incar-
cerationis
Ioseph. nu-
merat cho-
roni Habre-
orn. Seder
Ola Rabba.

Deuter. 17.
Philoinale
80.

Deuter. 17.
De huiuslo-
ci expositio-
ne Pierius
comen. de
equo.

n
ti
de
ci

gitis: si Francisci honori & gloriæ seruitis: si Francisci religionis
propagationem cupitis, si Francisco gratificari vultis, omnia stu-
dia, omnes cōnatus, omnem industriam, operam laborem, diligen-
tiam ad sananda eius ordinis, qui cōmūnis est omnium nostrū
parens, vūnera conferatis. Sed que tandem tantis malis medendis
medicina idonea ac salutaris? Hic iam vos gratis ac beneuolis ani-
mis audire cupio, & exoro. Nullum ego aptius remedium adhi-
beri posse existimo, quam si aliquem Patrem, ac rectorē non hin-
ditū equi, non augurio auium, non primo solis Orientis aspectu,
non vultus pulchritudine, nec corporis proceritate nominatum
creatumque, sed libero ac prudentissimo vestro iudicio electum
nobis dederitis, qui prudentia, vsu rerum, autoritate aptissimus sit
ad perficienda præstātissima generalis ministri munera. Hinc om-
nis Reipublicæ salus pendet, cum ad omnium vitiorum pestē pro-
pulsandam, ad sanandas spirituales ægitudines, ad afferendam de-
nique ouibus curæ vestræ commissis, omnem curationem nulla ap-
tior medicina esse possit optimi pastoris vita, verbo & exemplo
conspicua. In memoriam reducite, obsecro, diuino cōsilio a prin-
cipe populorum Pharaone Patriarcham Ioseph e carcere, in quo
duodecim annos in compedibus fuit humiliatus, educatum, consi-
tutum fuisse dominum domus suæ, & principem omnis possessio-
nis suæ, vt corruptelam aulicā coerceret, & ad moderationem re-
duceret: eadem vos Patres in via incedentes pastoralibus vestris
studijs succurrite fratrum omnium saluti, & opitulamini religio-
sæ disciplinæ, iam pene deflorescenti, talem nobis, vestris suffra-
gijs creando Patrem, qui non multiplicet sibi equos, cum iuxta
Domini decretum princeps equeſtrum educator principatu sit in-
dignus: quod ita ex Philonis illius Platonizantis sententia capiē-
dum est, vt ineptum eū ad principatū existimemus, qui voluptati-
bus cupiditatibusque & nequitia deditus stare loco nescit, & fræ-
na ferox spumantia mandit: qui non reducat populum in Egyp-
tū, præsertim cū Dominus præceperit nobis, vt nequaquam am-
plius per eandem viā reuertamur, hoc est, ne viros religiosos, qui
semel spreis mundi illecebris, a vitijs ad virtutē, a corporis affec-
tibus ad animi constantiam atque sobrietatem, a malitiæ nequitie
que fermento ad veritatem, & stabilem sinceri propositi firmita-
tem transierunt, & Deo se consecrarunt, beatoque Francisco no-
mina dederūt, rursus in seculi delicias, perditosque mores malo
suo exemplo inducat & propellat: qui non habeat bobem in
lingua, argentāginamque patiatuſ muneribus corruptus, cum
vt le-

(vt Iesu Sirach verbis vtar) xenia & dona excœcent oculos iudicum & (vt est in codice Græco Septuaginta) quasi frænum in ore auertit correctiones eorum, sed memoria repetat Tebis repositas iudicū imagines fuisse, quæ manibus carebant, representantes, oportere ab omni munere corruptela quam maxime seruntes esse, qui ius dicunt populis: qui non summat sibi vasa pastoris stulti, vas inquam, oleo vacuum, peram absque cibo, fistulam raucam, quæ audiri vix possit, baculum ferreum, quo vino ictu miserā ouē interficiat, ne huius generis instrumentis derelicta non visitet, (suis videlicet commodis & voluptatibus deditus) dispersum nō quærat, quia fistulā raucā habet, & contritū non sanet, quia oleū secū nō tulit: & id, quod stat, nō enutriet, quia pera vacua exornatur, & carnes pingū comedat, suo soli honori studens, & vngulas eorum dissoluat, baculo ferreo percutiens, ne illum omnes non pastorem, sed ignominiose idolum pastoris appellent: qui cum Iosepho totius Ægypti primatum teneat, libidinem calcans, nequitia cœlitans, omnesque corporis voluptates edomans atque frænans, cum hoc (vt Adamantius scribit) sit totum Ægypti principatum gerere: qui cū Moyse ita sit mitis ac lenis propriarumque iniuriarū immemor, vt cū Dei honorē paruipēdi animaduenerit, vitiorū q; idola a nobis coli diuini furoris zelo ita accendatur, vt saueritatis gladio nos cōfodiat & trucidet: qui cū Iosue subditorū scelera cōtēplās vestimenta scindat, hoc est, cælesti quodā ardore inflā matris poenitentiæ asperitate ac rigore propriā carnē coerceat, & cōprimat, vt vel sic diuinæ indignationis ignē extinguat: qui cū Dauid nō solū ouiculas quascūq; agat, sed singularē curā foetarum gerat, memoria veteri repetēdo id, quod de optimo pastore Christo Esaias dicit: agnos in sinu suo leuabit, foetas ipse portabit, hoc est, vt sūmo studio quemadmodū diligentissimū & maxime industriū pastore decet, nō solū incipiētū (quod adnotarūt Procopius & Cyrillus) sed etiā perfectorū curā habeat: qui cum magno illo Propheta Hieremia se super nos cōstitutū putet, vt euertat, & destruat, disperdat & dissipet, & ædificet & plātet, cū neq; ædificari possint bona, nisi destruantur mala, (vt interpretatur Hieronymus) nec plantari optima nisi eradicentur pessima: qui cum D. Paulo quando quis infirmatur, infirmetur & ipse, paratus, impendere & superinipēdi pro subditorū animab⁹ cupiēs pro ipsis, sitēporū ocasio det anathema, lustramētū, ac hominē sacrū fieri: qui iuxta mystica illa Ezechielis sancta quattuor animalia quattuor facies ha-

Ecclesia, 26
litteragras ca
Plurarchus
lib. de Inde
& Otride.
Zachari. 11.

Gen. 42. iux
ta. 70. edi
tio.

Ori. lib. in
genesim.
Exodi. 32.
Iosue. 7.
Psalmo. 77
Esai. 40.
Procopius
Cyrillus co
mētarijs ad
Esaiā locū
Hierem. 1. cu
ius verba ad
Christū re
tulerūt Ori
ge. in Math.
c. 16. & Nyf
senus li. de
incre. Iude.
ad apostolos
Idacius Cla
rus, lib. 1 in
Varimandū
ad sacerdo

Theodotus
Anſrianus
hom de lo
ne Baptiſta
D. Hier. co
men. huius
loci.

2. Corin. 11
2. Corin. 12
Romanos 9

Ex trāf. vul
gati, & D.
Ambroſij
& ex expoſi
tione Budci
Ganci, San
ctij & alio
rū.

Ezechielis,
1. ex Barabli
Scholijs.

D. Chryſo.
homil. in i.
Reg. cap. 9
Exod. 27. vi
de Pagni. in
theſauro vo
ce chala, &
Oleaſtrum
comē. in e
xod. ſed nos
propria pro
ceſſus con
ſectura.

D. Macha.
bōmi. 47.
Nicetas ſco
lijs, oratio
nis ſecū
da: in Paſ
cha.

D. Nazian
Oratio de
laudibus A
tha. Pletar.
in regum
apaph.

humanam videlicet lenitatem, leoninam fortitudinem, bouillam
utilitatem, atque aquilinam celeritatem: qui (vt verbis D. Chry
ſoſtomi vtar) ita caritate reliquis excellat, quantum corporis mag
nitudine Saul reliquum populum ſuperavit, cum in regem creare
tur: qui ſe paſtorem a ſummo illo paſtore Chriſto cōſtitutum ag
noſcat, diligenti meditatione animo voluens latens illud myſte
rium in cortinis. tabernaculi fœderis, quas fundarum imaginibus
fuiſſe depiſtas, quidam hæbreorum tradiderunt: vnde in fonte
chelaiim cortinas ſignificat à voce chala, quæ funda iacere, deno
tat, id, quod factum eſt, vt cum primum antiſtites tabernaculum
ingrederentur, ac iſtis fundarum imaginibus viſiſ, ſui muneris
admonerentur, memoriam reſcicantes ſe paſtores eſſe arcendis ab
animarum obili lupis veſpertinis designatos: qui Moysiſ virga
vtatur, de qua Macharius ſcribit duplicem geſiſſe imaginem: oc
currebat enim hoſtibus tanquam ſerpens mordēs & enecans: Iſ
raelitis vero erat vice baculi, quo innitebantur. Qua ratione oſtē
ditur (vt cum Niceta Setronio loquar) geminam eſſe Prælatorum
virgam: vnā pecudes ratione vtentes paſtorum ritu caſtigatē:
alteram infirmos ſulcientem, ſemper id in promptu habens quod
Epiſcopo Athanaſio maxima laudi tribuit D. Gregorius Nazia
zenus, quod nunquam virga niſi moderate vteretur, cum vi & fa
cultate dicendi, omnia à ſubditis impetrare poſſet. Qui etiam il
lud, ac celebre Periclis, Athenieſium principis apophthegma, qui
quoties veſtem clauatam & prætextatam magiſtratui propriā in
duebat, eam aſpiciens dicebat. Attende tibi Pericles, liberi ſunt,
quos ipſe regis: Græci ſunt, ciues Athenienſes ſunt: animo verſas,
ipſe pariter quoties ſe in ſupremo Franciſcani ordinis ſaſtigio co
llocatum contemplabitur, dicat: attende tibi, miniſter es, non do
minus, pater es non tyrannus, paſtor es non deſtructor, reg
is Ordinem Seraphici Franciſci, regis oues quas filius
Dei liberauit, Chriſtiani ſunt, in ſacerdotium regale, ac in Domi
ni peculium ſelecti & conſecrati: qui potentiam prudentiæ conſo
ciet, aſidua mentis cogitatione verſans illud ab Ægyptiis eretum
geminum Mercurij ſimulachrum ſimul coniunctum: alterum iu
uenta florentis, alterum maturo ſenſio venerandi, cuius Syneſius
Epiſcopus Ptolemaidis meminit, volentes innuere, eum, qui recte
reipublicam ſit adminiſtraturus, coniunctam cum prudētia for
titudinem habere debere, quaſi alterutrum inutile ſit abſque alte
rius ope: qui recordetur faces ardentes apud Romanos ante prin
cipem

cipem præferri solitas, significantes principes ac magistratus virtutis atque æquitatis splendore cæteris præluere debere, & diligenter animaduertat quanto aptius hoc sibi ac alijs animarum pastoribus, quibus a Christo dictum est, illos esse lucem mundi, accommodari possit: qui sit velut virga vigilans cuncta subditorum (vt D. Hieronymi verbis vtatur) peccata considerans, & percutiens ac corripuens delinquentes, in hoc Deum ipsum exprimēdo; quæ Ægyptij per oculum & adiunctum Scipionem symbolico (vt D. Cyrillus Alexandrinus adnotauit) intelligebant, Qui omnia proficiat ac omnium dominetur: velut virga amygdalina. Nam vt amygdalus prima florem & fructum prolatura, ceteris arboribus anteuenit, ita Prælati omnium subditorum primus virtutum floribus debet ornari: quod de virga Aaron scripsit Philo, velut baculus nuceus. Quia quemadmodum fructus nucis (quod animaduertit D. Theodoretus) amaram quidem & asperam corticem habet, sub qua latet quod est esculentum: ita maiorum disciplina acerbitatem præse ferre videtur & molestiam, sed quæ secuntur sunt perutilia: velut Pyramis errantibus circumligata hederæ sequacis brachijs, ita vt eius auctoritas & potentia fulcimento sint & ornamento subditis ipsis, quibus nomē hederæ apte conuenit, vt pote cum sese ipsa sustinere prorsumque serpere impotens sit, ni pedamenti adminiculo vtatur, ac flagellis suam muniat imbecillitatem: velut sacra quædam anchora, quæ subditorum calamitati & perturbationi subueniat: seditiones & procellas componat: & ærumnas subditorum depellat, pacique incumbat, iuxta symbolicam quandam imaginem Vespasiani numismatibus excusam cum anchora, cuius medium Delphin obvolutus complecteretur, qua, magistratus subditorum incolumitati procurans, significabatur. Velut generosus & intrepidus canis non mutus, sed latrare valens subditorum vitia nunquam incessere desistens, perpendens Ægyptiorum sapientes non inmerito canis nomine sacrum scribam ac magistratum denotare, vt innuerent, (quod Orius Apollo scriptum reliquit) eum oportere assidue omnibus a Franciscanæ vitæ tramite deuiantibus canum more allatrare, & ferum esse, nullique ex eis gratificari. Velut apum rex vel aculeo carens, vel ad offensionem minime exerens: cum hæc quidem præcipua in magistratude beat esse virtus, vt in obeundis vitæ officijs, nō magis iustitiæ aculeum, quam dulcem mellis elementiam subditis ostendet: ac tandem qui nihil non agat, nihil non attingat, vt morum corruptelas

Jeremię. i.
D. Hier. in
hunc locū
D. Cyrilli.
in Iulianū
aposta.
Iuxta trans.
hebraicam
Philo in an
tiqui Bibi-
cis.
Iuxta traditio
70. D. The.
com. in hūc
locum.
Emblema
est Iunij. 14
titulo prin-
cipū opes,
plebis admi-
nicula.
Ex Alciati
emblemate.
te. 143.
Huius sym-
boli memi-
nit Eras-
dagio festi-
na lente,
Pierius cō-
menta. de
cane.
Orius lib. i.
de sacris no-
tis.
Vide Rasi-
um lib. 8.
Exame. &
oriū. lib. 1.
& plenium.
lib. ii caput.
17.

cripiat, vt vitia & peccata corrigat atque emendet, & quoscūque aberrantes ad viam salutis reuocet. Talem Patres, talem nobis date patrem: Ex hac porrò electione maxima commoda, maximaque adiumenta proficiscuntur, non solum ad facilem gregis comissi gubernationem, sed etiam ad omnem fratrum in via Domini progressionem. Hinc enim firmissimum vnus cuiusque institutipræfidiū, hinc ritū religiosorū sanctarū, faustarūque cōsuetudinū perennis conseruatio, hinc disciplinæ omnis robur perpetuum, hinc rerum salutarium sanctissimum firmamentum, hinc prospera omnium, paratissimaque ad obediendum voluntas, hinc præclara illa agendi, recteque exequendi contentio, & religiosa mulatione. Quis vtilitates ex optimi pastoris creatione emanantes breui oratione cōplecti queat? Ingentes plane Deo Optimo Maximo gratias ago cum ligna, hoc est (iuxta Hæbraici nominis ethimologiam) viros consultissimos ad eligendum sibi præfectum conuenisse video. Nulla adest aculeata, & (vt verbis vtat Iosephi) ad ignaria valens rhamnus, omnes vos intueor pingues oliuas, dulces ac suauissimas ficus, fortiferasque vites. Si queritis cui ex tot viris literis & morū sanctimonia celebribus præfectura hæc sit tradenda animis omni rerum temporalium perturbatione liberis, audite vocem, nō ab Alexandro illo Magno, sed a Deo vos dirigente proleatā. Tradatur ei, qui optimus est. Huc inclinate animos Patres, omnēque sollicitudinem apponite. Vt quemadmodum neminem, vestrum, vt cuiusque conditio tulit, aut ætas, aut labor, aut valetudo, aut itineris longitudo retardauit, quo minus in hunc locum frequentes ante statum diem conueneritis, qua in te priuata commoda communi officio post habuistis: sic ad ipsam ministri generalis electionem integram optimamque mentem, ac voluntatem asferatis, vim publici muneris priuatis commodis anteponentes, eorum vtilitati, quibus præstis, non vestris rationibus seruientes. Mæsta & afflicta Franciscana religio nostrum omnium parens caritatem & sapientiam vestram implorat: hanc singulæ vniuscuiusque vestrum prouintię incredibiliter requirunt: totus noster ordo re magis, quam voce deposcit: hoc Optimus & Maximus Rex Philippus, in cuius regia dignitate, vt verbo complectar, Franciscanum habitum licet agnoscere: hoc Ecclesiarum Episcopi de populorum salute solliciti, a vobis desiderant: vehementer expectat Clemens Pontifex Maximus sperans, populos in fide, curaque sua conquiescentes ex vestris his pastoralibus conuentibus, salutare ad

Iudicum. 9
Alte in hoc
foco (vt so-
let) philoso-
phatur Ari-
stas Monte
de Hebrai-
ci nominis
etimologia
Ioseph. lib.
antiqui he-
braica. 7.
Interroga-
tus Alexan-
dram mo-
riturus cui
regnum tra-
dandum res-
pondit ei
qui optimus
est, sic Car-
sius.

tare adiumentū esse cōsequuturos: hoc ipsum exigit vestra virtus, quā in publico orbis terrarū cōuētū spectatam, & cognitā, nunc in vestrarum ouium vita, ac salute tuenda debetis exprimere: hoc etiam summo opere exoptat sacer Sanctorum omnium nostræ religionis chorus duce Seraphico illo Patre nostro Francisco, quem mihi præsentem videre videor cancelatis manibus nos omnes benedicere paratum: hoc denique flagitat à vobis Christus, vt constet sibi ratio officij vestri eiga oues, quas pretio sanguinis sui redemptas vestræ fidei, prudentiæque commendauit, & concredidit. Hic Patres grauiissimi, ante oculos ponite ingentem huius nostri ordinis fratrum multitudinem, suæ salutis studio flagrantem hac eadem hora ad cælum palmas tendentem, vt vos, qui sua causa huc conuenistis in ferendis suffragijs a Deo illuminemini, ac dirigamini. Videte mentis oculis sacerdotes pro vobis ad altaria supplices: videte tot corporis & sanguinis Domini sacrificia in vniuerso terrarum orbe hoc voto litata: videte velatas virgines, demisse ac religiose orantes: videte vniuersum pene hunc populum Vallisfoletanum nostri ordinis studio accensum, vt fœliciter comitia hæc nostra eueniant, piè deprecantem: videte innumerabiles totius religionis viros laicos, sacerdotes, cōcionatores, vigilantes, ac prælatos flexis in choris genibus, profusis lachrymis, pio gemitu, iteratisque vocibus, Spiritus sancti in vos aduentum, Dei misericordiam, Sanctorumque patrocinium implorantes: considerate animo hanc vnā omnium obsecrationem atque orationem, summa tacitæ mentis contentione ad cœlos vsque emissam.

Veni creator spiritus,
Mentes tuorum visita:
Imple superna gratia,
Quæ tu creasti pectora.

Tendant ad vos omnes religiosi viri, piæque fœminæ beato Patri nostro Francisco. & diuis Claræ & Elisabethæ nomina dâtes manus suplices easdem, quas pro vobis & vniuerso ordinis nostri foelici statu Deo immortalī tendere consueuerunt: tendunt Belgium, Pannonia, & Germania, quæ magna ex parte sic impiorū imperu sunt deformatæ, vt vestigia pristina, ac veræ religionis vix vlla compareant: tendit Gallia, quæ amisso prope cognomento maiorum pietate parto, bellorum procellis agitur, intestinisque malis quatitur: ac tandem omnes prouintię Americę vestram ope expectant, vestrum auxilium ac misericordiā implorant, con-

† sidera-

Huius al-
goriz me-
minis Mar-
celus lib. de
opima iu-
uen. conclu-
sio per de-
precatione

Iob. 12. vide
comen. Cy-
pria. pl. 112.
vide expositi-
onem Ge-
nebrardi.
Exodi. 3.
de his septē
diebus me-
minit cho-
ro hebraeo-
rum Seder.
Olam
Clemēs in
constitutio-
ni apostolis
3. Catin. 4
Miches. 5.
cap. h. 2e di-
uerſa 2^o f.
tolorū epi-
teta sunt ex
diuerſis hu-
ius loci tra-

siderantes tunc Ecclesie matri omnium læta omnia ac facta eue-
nire, cum religiones, quæ eius sunt partes præcipuæ, optimis gau-
dent moderatoribus nos in timore Domini continentibus. Maxi-
ma curate diligentia, ne tot a vobis sudores emissi, tot labores sus-
cepti, tot itinera confecta, tot pericula superata frustra succedant;
cæcte ne auxilium tantis ac tam pijs orationibus postulatum, vt
hic vester conuentus foeliciter celebretur, inane vobis sit & inu-
tile. Nolite Patres per illam qua totum hunc nostrum ordinem
complectimini, caritatem, per illam caram, quam fratribus, omni-
bus & debetis & præstatis, per illum ipsum, cuius in terris vice fū-
gimini, Seraphicum Franciscum, inimicis nostris, his præsertim,
quos hæresis infamia notatos è gremio suo expulit Ecclesia, dare
lætitiam, impie asserentibus religiosos omnes veluti pecora ven-
tri obedientia cōuentus suos celebrare. Horū zoilorū ora obstrui
te Patres: date hoc Franciscanæ familiæ lachrymis, date vigilantiæ
vestræ: date obsecrationibus meis: ac tandem date hoc cōnatibus
Reuerendissimi Patris nostri Francisci à Tholosa, qui summa ope-
nititur, velut alter Arias defessus iam alicuius Herculis humeris
tantæ gubernationis molem imponere. Nunc tu pater Omnipot-
ens, qui ab alio nullo manas; tuque sanctissime Spiritus, qui ab utroq;
rebus omnibus æqualis: tuque sanctissime Spiritus, qui ab utroq;
in omni æternitate procedis, neutri potestate, dignitate, maiestate
aut alia re vlla inferior: tu denique sancta, & ab humanis cogita-
tionibus secreta Trinitas, vnus Deus, cuius potestate ac numine
omnia continentur: qui baltheum Regū dissoluis, & prægingis fu-
ne renes eorum, sic illos ingloriosimbelles & effoeminatos redēs:
vt amissa regia dignitate, illorum renes pro baltheo funes cingan-
tur: qui suscitās de terra inopem, & de stercore erigis pauperem,
vt colloques eū cū principibus ac Phylarchis lateribus regis assis-
tibus, qui Moysen tecum in rubo loquentem & legationis mu-
nus septem continuis diebus detestantem Deum Pharaonis cō-
stituiſti eum, vt tuus Clemens Romanus nos docuit regē ac pon-
tificem simul creando: qui Dauidem seruum tuum elegisti, ac su-
stulisti eum, humilem & abiectum de gregibus ouium, & pro pa-
store pecudum pastorem populorum fecisti: qui piscatores quos-
dam filios terræ ac omnium peripsa ex infimo loco in supre-
mam dignitatis gradum euexisti illos principes, primates, Chris-
tos ac morsus hominum suscitando, vt pascere terram Assur in
gladio viuaci, inquam, & efficaci sermone tuo, acuto super omne
gladiū,

gladium bicipitem: qui Mathiam apostolatus munere decorasti, st
dū apostolis tibi (vt Diuini tui Dionysij Arcopagite vtar verqis)
ob reuerentiam, electionem relinquētibz, forte cœlitus missa, sig
no inquam, visibili diuinitus elapso, eis, quem tu eligisti, declaras
ti, qui Diuum Gregorium ter Maximum summi pastoris summā
dignitatem summa humilitate recusantem, hominumque aspectū
fugientem, lucida nube loco, in quo se abdiderat, incumbente, la-
tentem prodidisti, & in suprema Petri cathedra collocasti: qui ex
hac paupercula nostra societate complures sacrosanctę Ecclesię
Romanę pastores celeberrimos ac vigilantissimos designasti, Ni-
colaum Quartum Turcarum, pro tuenda religione Christiana op-
pugnatorem acerrimum: Alexandrum Quintum summa erga doc-
tos & literatos, viros ac præsertim Theologos, qui de te locuntur,
liberalitate: Sixtum Quartum doctrina singulari, scriptisque exi-
mij operibus clarum: & nostris his temporibus Sixtum Quin-
tum medendis Ecclesię vulneribus maxime idoneum: inclina de
excelsu cœlorum habitaculo oculos clementię tuę, & respice su-
per hęc eādem familiam ex te pendentem, & a te auxilium suppli-
citer postulantem, & da nobis patrem ac gubernatorem tam vastę
naui religionis nostrę gubernandę parem, vt ipsam tot actā pro-
cellis, tot diuexatā persecutionum tempestatibus ad tutissimum
& optatissimum portum appellat. O summe pater cœlestium at-
que hominum rex, qui iussisti, seniores septuaginta de populo à
Moysē conuocari ad ostium tabernaculi sœderis: illisque eodem
loco commorantibus, adesse, eandemque spiritum largiri digna-
tus es: per aduentum almi tui spiritus in Apostolos vno in loco cō-
gregatos, quo eorum mentes illuminasti, cordaque accendisti: per
sacratissimam Mariam Filij intacto pudore matrem, Patris spon-
sam pudicissimam, augustissimum Spiritus sancti templum, æteri
regni participem reginam & sociam: per diuinissima vulnera
Seraphici Francisci, cuius hic filij tanti patris patrocinio confissi
adsumus: per tot Sanctorum ac Sanctarum huius nostri ordinis
splendidissimas tuas arces super cœli orbes constitutas incolen-
tium merita his Patribz hodie, nomine tuo in vnum conuocatis
ad sis supplex oro, & mentes illorum diuini tui luminis splendore
illustres, bonitate foueas, sapientia regas, modereris, atque effi-
cias, vt illos vno consilio, eodem animo, ademque voluntate om-
ni extincto ambitionis igne, & peculiarium affectuum omni feda
to turbine, depositisque cupiditatum suarum perturbationibus &
oculis

stationibus
quarū me-
minit D.
Hierō. & a-
lij A. & uñ. i.
Ex Arcopa-
gitę verbis
colligūthęc
opinionem
de sorte pro
signo cœlie
miso lata
perrensi. li.
9. & Turria
nostscholjz
ad D. clemē-
tem. in. D.
Gregorij vi-
ta & etiam
Mareus de
his primis
tribus por-
tificibz Pla-
tina in co-
rum vita.

Ezechie. 34.

oculis mentis in te bonorum omnium fontem coniectis, quærant
non quæ sua sunt, sed quæ religionis nostræ, talem eligendo pasto-
rem, qui Ezechielis Prophetæ tui voce diuina admonitus, quod
periit requirat, quod abiectum est, reducat, quod confRACTUM est,
alliget, quod infirmum est, consolidet, quod pingue-
& forte custodiat, & ad caulas cælestes perducatur, te
donante, qui in essentia vnus, & in personis tri-
nus viuis, & regnas in seculorum secu-
la. Amen.

Sub correctione sanctæ matris Eccle-
siæ hæc, & omnia mea.